

MEMORANDUM O RAZUMIJEVANJU

Između Fakulteta političkih nauka Univerziteta u Sarajevu i Centra za obrazovne inicijative Step by Step

Ovaj Sporazum o saradnji (u daljem tekstu: „Sporazum“) je potpisan između:

- I. **Fakulteta političkih nauka Univerziteta u Sarajevu**, Skenderija 72, Sarajevo 71000, ID broj: 4200088220009 (u daljem tekstu: Fakultet političkih nauka), kojeg zastupa Sead Turčalo, dekan, sa jedne strane..
i
- II. **Centra za obrazovne inicijative Step by Step**, sa registrovanim sjedištem na adresi Kralja Tvrtka I, 71 000 Sarajevo, matični broj : 4200 397 87 0000 (u daljem tekstu: „COI Step by Step“), koju zastupa Nedim Krajišnik, izvršni direktor, sa druge strane.

Predmet i svrha sporazuma

Član 1.

Predmet ovog Sporazuma je uspostavljanje i uređivanje dugoročne saradnje Fakulteta političkih nauka i COI Step by Step (u daljem tekstu: Strane) u oblastima od zajedničkog interesa, te definisanje ciljeva, oblasti saradnje kao i određivanje uloga, prava i odgovornosti svake Strane u skladu sa njihovim vrijednostima, odobrenim pravilima i procedurama.

Član 2.

Svrha saradnje je povezivanje, podrška, dijeljenje resursa, informacija i zajedničko djelovanje radi efikasnijeg sprovođenja aktivnosti vezanih za oblast poboljšanja kvaliteta odgoja i obrazovanja, razvoja nastavničkih kompetencija i doprinosa daljem unapređenju nastavničke profesije

Strane zasnivaju svoju međusobnu saradnju na zajedničkim interesima u skladu sa svojim osnovnim djelatnostima i njihovim daljim razvijanjem. Strane će djelovati sa ciljevima koji doprinose ostavrenju svrhe ovog Sporazuma.

Ostvarivanje sporazuma

Član 3.

U međusobnom dogovoru i u dobroj volji, Strane su posvećene i fokusirane na obezbjeđivanje teorijsko-praktične paradigme kvalitetnog obrazovanja, poboljšanja kvaliteta odgoja i obrazovanja u douniverzitetskom obrazovanju, razvoju nastavničkih kompetencija shodno standardima kvaliteta te kontinuirano unapređenje nastavničke profesije kroz smislene aspekte djelovanje obje Strane.

Član 4.

Strane su saglasne da se realizacijom Sporazuma ostvaruju sljedeći ciljevi :

- Razmjena kontakata, informacija, materijala, ekspertize iz globalne i lokalne mreže;
- Razvijanje kapaciteta nastavnika za primjenu metodologije koja obezbjeđuje aktivno učenje i istraživanje;
- Organizovanje zajedničkih obuka i seminara za nastavnike;
- Osmišljavanje i razvijanje obrazovnih sadržaja i didaktičkih materijala za online i offline baze materijala za nastavnike na teme od zajedničkog interesa;
- Zajednički odabir (pilot područja) za ispitivanje različitih pristupa iz oblasti zagovaranja i unapređenja obrazovanja;
- Zajednički i/ili samostalni rad na pronalaženju sredstava za finansiranje konkretnih projekata saradnje
- Praćenje napretka razvijanja kapaciteta nastavnika;
- Razvoj i realizacija programa obuke u svrhu pružanja podrške kontinuiranom profesionalnom razvoju nastavnika/ca, u skladu sa relevantnim propisima i nadležnostima;
- Obuka za trenere i njihova certifikacija za realizaciju određenih programa obuke;
- Priprema on-line kurseva i razvoj web platforme sa resursima za nastavnike/ce;
- Podrška nastavnicima i školama u kreiranju profesionalnih zajednica za učenje;
- Izdavanje priručnika i drugih publikacija za nastavnike;
- Realizacija konferencija i drugih stručnih skupova vezanih za nastavničke kompetencije i druge oblasti u obrazovanju;
- Podrška studentima i stipendiranje studenata.

Promocija nastavničke profesije

Član 5.

COI Step by Step će, uz podršku Fakulteta političkih nauka realizovati niz aktivnosti usmjerenih na profesionalizaciju i promociju nastavničke profesije. Saradnja će se realizovati u sljedećim aktivnostima:

- Dodjela nagrada i priznanja za najinovativnije nastavnike/ce i stručne saradnike/ce u oblasti predškolskog, osnovnog i srednjeg obrazovanja i promocija dobre prakse;
- Kampanje i promocije usmjerena na podizanje svijesti o važnosti nastavničke profesije u društvu;
- Kampanje i promocije vezane za pružanje podrške razvoju kvalitete nastavničke profesije.

Promocija saradnje

Član 6.

Strane su saglasne o potrebi promocije saradnje i uloge svake Strane i koriste svoje nazive i logotipe, u skladu sa internim procedurama i pravilima, u svim dokumentima i materijalima koji

se odnose na saradnju. Poželjno je isticanje saradnje, uz promociju zajedničkih aktivnosti, organizacija i logotipa.

Prije objavljivanja bilo kakve informacije koja uključuje pominjanje druge Strane ili upotrebe logotipa druge strane potrebno je saopštenje, objavu, publikaciju i druge materijale dostaviti na pisano odobrenje.

Troškovi

Član 7.

Strane su se sporazumjele da svaka Strana u okviru granica svojih budžeta snosi svoje troškove, koji eventualno proisteknu povodom realizacije ciljeva utvrđenih ovim Sporazumom, osim ukoliko se drugačije ne sporazumiju posebnim ugovorom za konkretnu situaciju.

Završne odredbe

Član 8.

Nijedna Strana ne može drugu obavezati niti na jedan stav ili radnju, niti tvrdnju u ime, ili kao predstavnik druge Strane ovog Sporazuma, osim ako drugačije nije ugovoreno posebnim Ugovorom.

Član 9.

Strane započinju ovu saradnju sa najvećim uzajamnim poštovanjem, a u malo vjerovatnom slučaju spora, neslaganja ili potraživanja između Strana koji proizilaze iz ili u vezi sa ovim Sporazumom, Strane će prvo pokušati da spor razriješe mirnim putem u međusobnom razgovoru.

U slučaju da spor, neslaganje ili potraživanje ne mogu biti razriješeni mirnim putem, Strane su saglasne da će nadležni sud sa sjedištem u Sarajevu imati mjesnu nadležnost u vezi sa tim sporom, neslaganjem ili potraživanjem, uključujući bilo kakvu vanugovornu obavezu proisteklu iz ili u vezi sa ovim Sporazumom.

Član 10.

Kontakt detalji Strana za dostavljanje potrebnih obavještenja i komunikaciju su:

1. Fakultet Političkih nauka, Univerzitet u Sarajevu

Skenderija 72, Sarajevo 71000

Osoba za kontakt:

Sead Turčalo

Tel: +387 33 203-562

e-mail: dekanat@fpn.unsa.ba

2. Centar za obrazovne inicijative Step by Step

ul. Kralja Tvrtka I, 71 000 Sarajevo

Osoba za kontakt:

Nedim Krajišnik

Tel: + 387 33 667 673

e-mail: nedim@coi-stepbystep.ba

Strane su se sporazumjele da formiraju Komisiju za praćenje sprovođenja ovog Sporazuma koju čini sporazumno utvrđen broj predstavnika obje Strane i koja će održavati redovne sastanke na svakih šest mjeseci.

Po potrebi Komisija može održavati sastanke i češće.

Član 11.

Sporazum se zaključuje na neodređeno vrijeme, a stupa na snagu danom potpisivanja.

Sporazum može prestati sporazumnim raskidom ili otkazom jedne od strana potpisnica.

Svaka Strana može raskinuti ovaj Sporazum slanjem pisanog obavještenja o raskidanju drugoj Strani dva (2) mjeseca unaprijed.

Sporazum prestaje da proizvodi pravno dejstvo istekom roka od 60 (šezdeset) dana od prijema pismenog obavještenja o otkazu.

U slučaju raskida sporazuma strane zadržavaju sva prava stečena izvršavanjem njegovih odredbi za vreme važenja.

Svaka strana učesnica Sporazuma može predložiti odgovarajuću izmjenu i dopunu Sporazuma, koja se vrši na način na koji je Sporazum i zaključen.

Sporazum je sačinjen u četiri (4) istovjetna primjerka, od kojih po dva (2) za svaku sporazumnu stranu.

Centar za obrazovne inicijative

Step by Step

Nedim Krajišnik, Izvršni direktor

[Redacted signature]

Pečat

Broj: 006/21-PS

Sarajevo, 16.06.2021. godine

Fakultet političkih nauka

Univerziteta u Sarajevu

Sead Turčalo, dekan



[Redacted signature]

Pečat

Broj: 01-3-862-1/21

Sarajevo, 16.06.2021. godine